摘藻堂四庫全書

薈

要

史部

欽定四庫全書為要更與部本本表三十九下

詳校官員外郎臣楊世編

使劉崇龜召補右都押牙兼賀水鎮使未幾表為封州 欽定四庫全書養要卷八千七百七十三史部 **大足日奉公告** 一年秋七月以嶭王知柔為清海軍節度使 通鑑紀事本末卷三十九下 宋 經質江土民百餘人謀亂隱一夕盡誅之嶺南節度 示乾寧元年冬十二月封州刺史劉謙卒子隐居 通能犯事本末 撰

牙將盧琚譚弘犯據境拒之使弘祀守端州弘犯結封 光化元年冬十二月韶州刺史曾家舉兵攻廣州州將 為行軍司馬 夜入端州斬弘迅遂襲廣州斬琚具軍容迎知柔表隐 王瓌即戰艦應之清海行軍司馬劉隐一戰破之韶州 州刺史劉隱許妻以女隱偽許之託言親迎伏甲舟中 到潼復據漬冷隐討斬シ

三年冬十二月清海即度使薛王知柔行至湖南廣州

国韶州會江漲飽運不繼光稠自度州引兵救之其将 州隱弟陟以為延昌有虔州之援未可遽取隱不從隊 軍司馬劉隐權留後 五年秋九月以太保門下侍郎徐彦若充清海軍節度 之進圍潮州清海留後劉隱發兵擊走之来勝進攻部 天復元年冬十二月清海即度使徐彦若夢遺表薦行 一年度州剌史盧光稠攻翁南陷韶州使其子延昌守 通鑑犯事本末

遣使以重賂結朱全忠乃奏以隱為清海即度使 陵聞翁南多盜且畏隱不受代不敢前朝廷召遠還 權留後朝廷以兵部尚書在遠為清海節度使遠至江 昭宣帝天祐二年春三月加清海節度使劉隱同平章 南隠犇還全播悉以功讓諸將光稠益賢之 譚全播伏精兵萬人於山谷以羸弱挑戰大破隐於城 天祐元年 初清海即度使徐彦若遺表薦副使劉隱

定匹庫全書 |

卷三十九下

乾化元年春三月清海静海即度使兼中書令南西 光逢之弟殷衡德裕之孫也 隐為大彭王 即中趙光裔右補闕李殷衡充官告使隱皆留之光裔 三年夏四月庚子以劉隱為南平王 二年冬十月辛酉以劉隱為清海靜海節度使以膳部

一劉隱病亟表其弟節度副使嚴權知留後丁亥卒 問題已事なれ

後梁太祖開平元年夏五月已印加劉隐兼侍中仍以

襲位 新定四庫全書 容州士民及其府藏葬長沙嚴遂取容管及馬州 遣都指揮使許德勲以桂州兵救之彦華不能守乃澤 冬十二月癸亥以静江行軍司馬姚彦章為寧遠節度 多延中國士人置於幕府出為刺史刺史無武人 副使權知容州從楚王殷之請也劉嚴遣兵攻容州殷 王乾化三年冬十月嶺南即度使劉嚴求昏於楚楚 夏四月甲辰以清海留後劉嚴為節度使嚴

尚書即度副使楊洞潜為兵部侍即節度判官李殷 番禺國號大越大赦改元乾亨以梁使趙光裔為兵部 能梯航萬里遠事偽庭乎由是貢使遂絕 吳越王鏐為國王而已獨為南平王表求封南越王及 使存送之一是成清海建武即度使兼中書令劉嚴以 三年秋八月癸巳清海建武節度使劉嚴即皇帝位於 加都統帝不許嚴謂係屬曰今中國紛紛熟為天子安

通鑑犯事本未

貞明元年秋八月劉嚴逆婦于楚楚王殷遣水順即度

為禮部侍郎並同平章事建三廟追尊祖安仁曰太祖 吳告即位且勸吳王稱帝 文皇帝父謙曰代祖聖武皇帝兄隱曰烈宗襄皇帝以 廣州為與王府 冬十月越主嚴遣客省使劉瑭使於 四年冬十一月越主嚴犯南郊大放改國號日漢 |年春正月漢主嚴立越國夫人馬氏為皇后殷之女 ,雖受命竟不行 秋九月丙寅詔削劉嚴官爵命吳越王鏐討己

蘇章將神弩三千戰艦百艘殺封州章至賀江沈鐵絙 十二月有白龍見於漢宮漢主改元白龍更名日襲 六年冬十二月漢主嚴遣使通好于蜀 明宗天成三年春三月楚大學水軍擊漢圍封州漢主 淫無政不足畏也漢主大悅自是不復通中國 詞入貢且與中國疆弱二月甲申詞至魏及還言帝騎 後唐莊宗同光三年漢主閩帝減梁而懼遣官死使何 以周易筮之遇大有於是大赦改元大有命左右街使

· 飲定日事全書 ·

通能犯事本未

於水兩岸作巨輪挽經築長垣以隱之伏壯士於提中 守將李進知之受其賂不以聞是成廷藝舉兵圍交州 艦不能進退以疆努夾水射之楚兵大敗解圍過去漢 章以輕舟逆戰陽不利楚人逐之入堤中挽輪舉絙楚 拔之執靜海節度使曲承美以歸以其將李進守交 長興元年秋九月漢主遣其将梁克貞李守衛攻交州 二年愛州將楊廷藝養假子三千人圖復交州漢京 主以章為封州團練使

為貴王弘既為宜王弘政為通王弘益為定王未然此 邀為高王弘簡為同王弘建為益王弘濟為辯王弘道 之質圍交州廷藝出戰實敗死 弘澤為鎮王弘操為萬王弘果為循王弘暐為息王弘 王弘熙為晋王弘昌為越王弘弼為齊王弘雅為韶王 漢主遣水古程實將丘救之未至城陷進逃歸漢主殺 弘度為秦王 三年漢主立其子耀樞為雍王龜圖為康王弘度為賓

通鑑紀事本未

出見衛士掠商人金帛商人不敢訴歎日政亂如此安 秦王國之家嫡宜親端士使之治軍已過矣况眼羣小 後晉髙祖天福二年春三月漢主以疾愈大赦 四年漢門下侍郎同平章事趙光裔言於漢主曰自馬 潞王清泰元年漢主命判六軍秦王弘度募宿衛兵千 用宰相因謝病歸第久之不召逐卒 乎漢主曰小兒教以戎事過煩公憂終不戒弘度洞潛 人皆市井無賴子弟弘度明之同平章事楊洞潛諫曰 为四届百言| 六年冬十二月漢主寝疾有胡僧謂漢主名襲不利蓮 昌王定保為中書侍郎同平章事不踰年亦卒 林學士承古尚書左丞損為門下侍郎同平章事 五年漢門下侍郎同平章事趙損卒以寧遠即度使南

主自造襲字名之義取飛龍在天讀若儼

見監己事した

夫李爲可以將命漢主從之楚亦遣使報聘光裔相漢

后崩未曾通使於楚親鄰舊好不可忘也因薦諫議大

二十餘年府庫完實邊境無虞及卒漢主復以其子翰

灌鼻割舌支解刳剔炮炙烹蒸之法或聚毒蛇水中以 數好自矜大常謂中國天子為洛州刺史翁南珍異所 皆縣忍少子越王弘昌孝謹有智識與右僕射兼西御 聚每窮者極慶宫殿悉以金玉珠翠為飾用刑慘酷有 院使王翔謀出弘度鎮邕州弘熙鎮容州而立弘昌制 七年春三月漢高祖寢疾以其子秦王弘度晉王弘熙 以長違之必亂乃止丁丑髙祖殂髙祖為人辨察多權 命將行會崇文使蕭益入問疾以其事訪之益日立嫡

新定四庫全書

卷三十九下

敢諫者惟越王弘昌及內常侍番禺吳懷恩慶諫不聽 罪人投之謂之水欲同平章事楊洞潛詠不聽末年尤 酣飲夜與倡婦微行倮男女而觀之左右忤意輒死無 齊王天福八年漢陽帝騎奢不親政事高祖在殯作 光天尊母趙昭儀曰皇太妃 者大威秦王弘度即皇帝位更名玢以弘熙輔政改元 猜忌以士人多為子孫計故專任宦者由是其國中宦 於康陵廟號高祖 秋八月漢葬天皇大

AL OLD AL ALLO LA

通能犯事本未

弟臨於寝殿迎弘熙即皇帝位更名晟改元應乾以弘 罷宴漢主大醉弘熙使道序思潮等旅漢主因拉殺之 常猜心諸弟每宴集令臣者守門奉臣宗室皆露索然 盡殺其左右明旦百官諸王莫敢入官越王弘昌師諸 漢主聞而悅之丙成與諸王宴於長春宫觀手搏至夕 譚令裡林少強林少良何昌延等五人習手搏於晉府 惡漢主好手搏弘熙令指揮使陳道库引力士劉思潮 後入晋王弘熙欲圖之乃盛飾聲伎娱悅其意以成其

而得聚尤忌之雄武節度使齊王弘弼自以居大鎮懼 兵突入斬弘界於是漢主謀盡誅諸弟以越王弘昌賢 冬十月漢主命韶王弘雅致仕 通照犯事本未

思潮等以謝中外漢主不從思潮等聞之踏弘果謀反 漢主今思潮等何之弘杲方宴客思潮與譚令裡即衛

昌為太尉兼中書令諸道兵馬都元帥知政事循王弘

果為副元帥參預政事陳道A年及劉思潮等皆受賞賜

漢中宗既立國中議論詢詢循王弘果請斬劉

立弘昌出為英州刺史未至賜死內外皆懼不自保 一十一月丁亥漢主祀南郊大赦改元乾和 潮林少彊林少良何昌延以左僕射王朝曾與高祖謀 開運元年春三月漢主命中書令都元帥越王弘昌謁 陳偓同平章事 然宗陵於海曲至昌華官使盗殺之 漢以户部侍郎 一年秋八月漢主殺韶王弘雅 四月五十二 冬十月丙午漢主毒殺鎮王弘澤於邑州 夏六月し己漢主幽齊王弘弼於 た三十九下 九月漢主殺劉思

齊王弘弼貴王弘道定王弘益辨王弘濟同王弘簡為 **醢彭越事宜審讀之漢主聞之族道岸及伸** 地獄曾醉戲以瓜置樂工之頸試劍逐斷其頭 王弘建息王弘暐宜王弘昭盡殺其男納其女充後官 後漢馬祖天福十二年南漢主恐諸弟與其子爭立殺 作離宮千餘間飾以珠寳設鑊湯鐡牀刳剔等刊號生

钦 足 日 車 全 書 版

節伸遺之漢紀道底問其故伸日於僚此書有誅韓信

三年漢劉思潮等既死陳道庠内不自安秋九月特進

南漢人已拔賀州鑿大弃於城外覆以竹箔加土下施 王布廣遣決勝指揮使徐知新等將兵五千救之未至 為開府儀同三司西北面招討使將兵擊楚攻賀州楚 主曰然布廣懦而各番其士卒忘戰日久此乃吾進取 南土乎對曰馬氏兄弟方爭亡於不服安能害我南漢 於楚楚王希廣不許南漢主怒問允章馬公復能經略 乾祐元年秋八月南漢主遣知制語宣化鍾允章求昏 冬十二月年已南漢主以內常侍矣懷思

·崇徹將軍謝實將兵攻郴州唐邊鎬發兵救之崇徹敗 後周太祖廣順元年冬十二月南漢主遣內侍省及潘 中朝服冠带参决政事宗室熟悉誅戮殆盡惟宦官林 隱帝乾祐三年南漢主以官人盧瓊仙黃瓊芝為女侍 者以干數知新等追歸布廣斬之南漢兵復陷昭州 延遇等用事 人自穴中發機楚兵悉陷南漢出兵從而擊之楚兵死

钦乞日華 全書 题

通照紀事本末

機軸自動中穿穴通宾中知新等至引兵攻城南漢遣

唐兵於義章遂取柳州 慶與為荆王保與為楨王崇與為梅王 南漢大赦 三年秋九月南漢主立其子繼與為衛王璇與為桂王|

鎮邑州弘邈以齊鎮二王相繼死於邑州固解求宿衛 顯德元年夏四月南漢主以高王弘邈為雄武節度使

不許至鎮委政僚佐日飲酒禱鬼神或上書誣弘邈謀

作亂戊午南漢主遣甘泉宫使林延遇賜配殺之

世宗顯德二年夏六月戊午南漢主殺積州即度使通

幸矣何暇處後世哉時世宗 南所閉乃治戰艦修武備既而經酒酣歌曰吾身得 四年南漢主閩唐屢販憂形於色遣使入貢於唐五 承宣院及内侍省澄樞番禺人也 延遇病甚薦內給事龔澄樞自代南漢主即擢澄樞知 王弘政於是高祖之諸子盡矣 主倚信之誅滅諸弟皆延遇之謀也乙未卒國人相賀 三年春三月南漢甘泉宫使林延遇陰險多計策南

冬十一月南漢葬文武光明孝皇帝於昭陵廟號中宗 更名銀改元大質銀年十六國事皆决於官官玉清宫 五年秋八月辛已南漢中宗殂長子衛王繼與即帝位 使龔澄樞及女侍中盧瓊仙等臺省官備位而已 **定四庫全書**

六年冬十月南漢主以中書舍人鍾允章藩府舊僚擢

為尚書右丞參政事甚委任之允章請誅亂法者數

園丘利三日允章即禮官登壇四顧指揮設神位內侍

正綱紀南漢主不能從宦官聞而惡之南漢主將祀

真聞之馬曰反賊欲使其子報仇邪復白南漢主允章 所烹但恨色昌幼不知吾兔及其長也公為我語之彦 章厚豈有此邪玉清宫使龔澄樞內侍監李托等共證 真馳入宫告允章欲於郊祀日作亂南漢主曰朕待允 之以形真言為然乃收允章繫含章樓下命官者與禮 部尚書薛用丕雜治之用丕素與允章善告以必不免 允章執用丕手泣曰老夫今日猶几上內耳分為仇人

史 己日車 全書

通照犯事本末

監許彦真望之日此謀反也即帶級登壇允章叱之彦

者近二萬人貴顯用事之人大抵皆宦者也謂士人為 有才能及進士狀頭或僧道可與談者皆先下營室然 封州人也卒亥南漢主祀園丘大赦未幾以龔澄樞為 左龍虎觀軍容使內太師軍國之事皆取决馬凡羣臣 後得進亦有自宫以求進者亦有免死而宫者由是官 外人不得預事卒以此亡國

一與二子共登壇潛有所禱俱斬之自是宦官益横李托

昌為節度使荆南舊統八州乾行以來冠亂相繼諸州 目為宋州團練使季昌硖石人本朱友恭之僕夫也 唐昭宗天復二年秋九月朱全忠表親從指揮使息季 後梁太祖開平元年夏五月癸未以權荆南留後事 吳蜀朗兵引去 代之又遣駕前指揮使倪可福將兵五千成荆南以備 賀瓌閉城自守朱全忠以為怯以賴川防禦使馬季昌 天祐三年冬十月武貞節度使雷彦恭屢冠荆南留後

通鑑犯事本未

皆為鄰道所據獨餘江陵李昌到官城已残毀户口彫 奏為判官震恥之欲去恐及禍乃曰震素不恭崇官明 髙季昌運戰敗之於馬頭 唐末登第至是歸蜀過江陵高李昌爱其才識留之欲 彦恭會楚兵攻江陵據湖南氏 耗季昌安集流散民皆復業 二年夏四月淮南遣其將李厚將水軍萬五千趣荆南 冬十月依政進士深震 六月武貞節度使雷

卷三十九下

公不以震為愚必欲使之參謀議但以白衣侍樽俎可

髙李昌造戰艦五百艘治城聖結器械為攻守之具,拍 均王乾化三年秋八月賜**高李昌爵勃海王** 增廣之 是歲馬李昌出兵聲言助梁伐晉進攻襄州 乾化二年 高李昌潛有據荆南之志乃奏築江陵外郭 山南東道即度使孔勒擊敗之自是朝貢路絕助兖州 氏辟署李昌甚重之以為謀主呼曰先輩

消無犯事本木

也何以在幕府季昌許之震終身止稱前進士不受高

宗壽鎮忠州夔州刺史王成先請甲宗壽但以白布袍 兵取之先以水軍攻夔州時鎮江即度使兼侍中嘉王 甚眾季昌来戰艦蒙以牛革飛石中之折其尾季昌易 張武舉鐵戶拒之船不得進會風反荆南兵焚羽死者 給之成先師之運戰季昌級火船焚蜀浮橋招討副使 四年春正月萬季昌以蜀夔萬忠治四州舊隸荆南與 聚亡命交通吳蜀朝廷浸不能制

小舟以通荆南兵大敗俘斬五千級成先密遣人奏宗

壽不給甲之狀宗壽獲之名成先斬之 萬人修江陵外郭季昌行視責功程之慢杖之李昌女 龍德元年冬十二月萬季昌遣都指揮使倪可福以至 節度使空間等師水軍攻復州信等至潭州東境楚兵 節度使劉信等師洪古撫信步兵自瀏陽趣潭州武昌 貞明三年高李昌與孔勍修好復通貢獻 五年夏五月楚人攻荆南島李昌求叔於吳吳命鎮南 釋荆南引歸簡等入復州執其知州鮑唐

通鑑紀事本末

將安知彼不以仇敵相遇乎季與不從 為可福子知進婦李目謂其女日歸語汝男吾欲威東 未加高季與守中書令時高季與入朝上待之甚厚 嚴兵守險猶恐不自保况數千里入朝乎且公朱氏舊 唐廟諱更名季與欲自入朝梁震曰唐有吞天下之志 後唐莊宗同光元年荆南節度使萬季昌間帝減梁游 辨事耳以白金數百兩遺之

一高李興在洛陽帝左右伶官求貨無歌李與忿之帝欲

道而去至許州謂左右曰此行有二失來朝一失縱我 三年冬十月高季與常欲取三峽畏蜀峽路招討使張 去一失過襄州節度使孔勍留宴中夜斬關而去十二 留不遣棄信虧義沮四海之心非計也乃遣之李與倍 將佐入貢惟高李與身自入朝當褒賞以勘來者乃騎 留李與郭崇韜諫曰陛下新得天下諸侯不過遭子弟 月丁酉至江陵握梁震手曰不用君言幾不免虎口 二年春三月丙午加高季與兼尚書令進封南平王

東至日事 ·

通點犯事本末

憲於李與使掌書記李與大治戰艦欲攻楚光憲諫曰 愛忠萬三州遣使 想王 降是成莊 季與遭勇士乗舟斫之會風大起舟往於鎮不能進退 權軍府事自將水軍上峽取施州張武以鐵鎖斷江路 武威名不敢進至是来唐兵勢使其子行軍司馬從誨 荆南亂離之後賴公休息士民始有生意若又與楚 明宗天成元年夏四月梁震薦前陵州判官貴平孫光 矢石交下壞其戰艦李與輕舟追去既而聞北路陷敗

等部送蜀珍貨金帛四十萬浮江而下季與殺班等於 交惡它國東吾之弊良可爱也季興乃止 季與表求爽忠萬三州為屬郡詔許之 刺史不受人遣兵襲治州不克魏王繼方遣押牙韓珠 子弟為之不許及變州刺史潘炕罷官李興輔遣兵突 二年春二月萬季興既得三州請朝廷不除刺史自以 人州城殺戍兵而據之朔廷除奉聖指揮使西方郭為

峽口盡掠取之朝廷話之對日珠等舟行下峽涉數千

通鑑紀事本未

飲定四車全書

史西方都副之將蜀兵下峽仍會湖南軍三面進攻 萬討之東川即度使董璋充東南面招討使新夔州刺 南行府事也武即度使具备奇為副招討使將步騎四 三月劉訓兵至荆南楚王殷遣都指揮使許德數等

與官爵以山南東道於即度使劉訓為南面拍討使知荆

里欲知覆溺之故自宜按問水神帝怒士寅制削奪季

軍救之 江陵里濕復值久雨糧道不繼將士疾疫劉

将水軍屯岳州高季與堅壁不戰求救於吳吳人遣水

去虚名高氏事君久矣洛陽去江陵不遠唐人步騎襲 奪之且請舉鎮自附於吳係温曰為國者當務實效而 戰之宜 得庚午部劉訓等引兵還 楚王殷遣中軍使史光憲 入貢帝賜之駁馬十美女二過江陵島李與執光憲而 卯入遣使賜楚王殷鞍馬玉帶督饋糧於行營竟不能 高季與季與不遜內軍遣使賜湖南行營真衣萬襲下 五月孔循至江陵攻之不克遣人入城於 通信化事本木

訓亦寢疾四月癸卯帝遣樞密使孔循往視之且審攻

監軍馬布瞻将水軍擊荆南高季與以水軍逆戰至劉 說之罪皆賜死 之危亡能無愧乎乃受其貢物解其稱臣聽其自附於 之甚易我以舟師诉流殺之甚難夫臣人而弗能致使 三年春三月楚王殷如岳州遣六軍使衣銓副使王環 六月西方郭敗州南水軍於岐中復取變忠萬 癸酉以與高季與愛忠萬三州為豆虚革 秋七月丙寅升夔州為寧江軍以西方鄠為

面 定 匹 庫 全 書 ·

卷三十九下

具進季與爵秦王帝記楚王殷討之殷遣許德軟将兵 膽出戰艦横擊之季與大敗俘斬以千數進逼江陵季 揮使從嗣軍騎造楚壁請與布範挑戰決勝副指揮使 攻荆南以其子希範為監軍次沙頭季與從子雲猛指 為吾打敬殷悅 夏六月辛已馬李與復請稱潘於吳 環曰江陵在中朝及吳蜀之間四戰之地也宜存之以 與請和歸史光憲于楚軍還楚王殷讓環不遂取荆南

通監犯事本末

郎状希瞻夜匿戰艦數十艘於港中語旦兩軍合戰布

齊贛人也 廖匡齊出與之關拉殺之季與懼明日請和德熟還匡 李與寢疾命其子行軍司馬忠義節度使同平章事從 温兼荆南行营招討使知荆南行府事分遣中使發諸道 岳州刺史李廷規歸於呉 已亥以武寧節度使房知 語權知軍府事 丙辰李與卒吳主以從 詩為荆南即度 **更兼侍中** 兵赴襄陽以討高季與 秋九月年已荆南殷楚兵于白田執楚 冬十二月荆南節度使高

鼓定四庫全書

老三十九下

從誨自稱前荆南行軍司馬歸州剌史上表求內附於 職員丙申元信以從海書聞帝許之 高季與之叛也其子從論切諫不聽從論既襲位謂僚 四年夏四月丙午楚六軍副使王琛敗荆南兵於石首 佐日唐近而吳遠捨近臣遠非計也乃因楚王殷以謝 罪於唐又遺山南東道節度使安元信書求保奏復脩 月甲申以從海為荆南節度使兼侍中已五罷荆南 六月庚申

き出しおよた

長與元年春三月高從海遣使奉表請具告以墳墓在 路王清泰元年春正月壬辰以荆南節度使高從海為 中國恐為唐所討吳兵援之不及謝絕之吳遣兵擊之 以兄事之震常謂從誨為郎君楚王布範好奢靡游談 三年春二月赐高從誨爵渤海王 荆南節度使高從海性明遠親禮賢士委任深震

欽定四庫全書

為之築室於土州震披鶴堂自稱荆臺隱士每站府跨 其業吾老矣不復事人矣遂固請退居從語不能留乃 先王侍我如布衣交以嗣王屬我今嗣王能自立不墜 乃捐去玩好以經史自好省刑薄賦境內以安梁震曰 公言是也它日謂梁震曰吾自念平生奉養固已過矣 光憲對曰天子諸侯禮有等差被乳臭子驕侈踏汰取 一時不為遠慮危亡無日人足慕乎從誨久而悟曰 通監犯事本末

者共誇其盛從誨謂僚佐曰如馬王可謂大丈夫矣孫

成功而能退自古有國家者能如是夫何亡國敗家喪 臣光曰孫光憲見欲而能諫高從海聞善而能從深震 接於荆南高從海遺從進書諭以禍福從進怒反誣奏 後晉高祖天福六年山南東道節度使安從進謀反求 政事屬孫光憲 從誨荆南行軍司馬王保義勸從誨具奏其狀且請發

黄牛至聽事從海時過其家四時賜與甚厚自是悉以

附於唐蜀初荆南介居湖南翁南福建之間地來兵弱 使安審琦擊却之又冠郢州刺史尹實大破之乃絕道 求郢州帝不許及加恩使至拒而不受 使入貢於契丹契丹遣使以馬賜之從齒亦遣使詰河 從海開杜重威叛發水軍數千襲襄州山南東道即度 東勸進 夏六月帝遣使告諭荆南高從海上表賀且 東巴日車 · 馬運 通點紀事本末 き 秋九月髙

兵助朝廷討之從海從之

後漢高祖天福十二年春正月荆南節度使高從齒港

內貧乏乃遣使上表謝罪乞修職貢詔遣使慰撫之 乾祐元年夏六月高從海既與漢絕北方商旅不至境 從海利其賜予所向稱臣諸國賤之謂之島無賴 及從海立唐晉契丹漢更據中原南漢閩吳蜀皆稱帝 及諸道移書語讓或加以兵不得已復歸之曾不為愧 自武信王李與時諸道入頁過其境者多掠奪其貨幣 冬十一月荆南節度使兼中書令南平文獻王島從

海寢疾以其子節度副使高保融判內外兵馬事矣卯

侍中 隱帝竟祐二年冬十月丙戌加荆南即度使高保融兼 南節度使同平章事 從海卒保融知留後 徐氏篡呉 |年楊行密之拔濠州也軍士掠得徐 十二月丁丑以高保融為

飲定四庫全書

人李氏之子生八年矣行密養以為子行密長子渥憎

/行密謂其將徐温曰此兒質狀性識頗異於人吾度

三年 上事本末

家人無違言及長喜書善射識度英偉行密會謂温曰 之父怒而歸母人情之常也温以是益愛之使掌家事 孝過於諸子當得罪於温温谷而逐之及歸知語迎拜 於門温問何故猶在此知語泣對曰人子捨父母將何 天祐元年楊行密以其子牙內諸軍使渥為宣州觀察 知語後傑諸将子皆不及也

使右牙都指揮使徐温謂渥曰王寢疾而嫡嗣出藩此

渥必不能容今賜汝為子温名之曰知誥知誥事温勤

餘子皆幼未能駕取諸將廬州刺史劉威從王起細微 譽軍府輕之行密寢疾命節度判官周隐召渥隱性愈 必不負王不若使之權領軍府侯諸子長以授之行密 直對日宣州司徒輕易信讒喜擊毬飲酒非保家之主 不應左右牙指揮使徐温張顏言於行密曰王平生出

飲定四車全書

通照犯事本末

处姦臣之謀他日相名非温使者及王令書慎無亞來

渥泣謝而行

船宣帝天祐二年楊行密長子宣州觀察使渥素無今

共請宣諭使李儼承制授楊渥淮南節度使東南諸道 求同州人也 萬死冒天石為子孫立基業安可使它人有之行密曰 淮南留後 牒猶在案上可求即與温取牒遣使者如宣州召之可 僚嚴可求衆出可求日王若不諱如軍府何行密日吾 吾死眼目矣隱舒州人也它日將佐問疾行密目留幕 命周隐台渥今忍死待之可求與徐温詣隱隱未出見 冬千月楊渥至廣陵辛丑楊行密以渥為 十一月庚辰吳武忠王楊行宏薨將佐

史傳薨軍中立其子匡時為留後延規恨不得立造使 於勢洲諸將請阻水立寒装不從鍾匡時果遣其將劉 使將兵擊鍾匡時於江西 行管都統兼侍中弘農郡王 三年夏四月鎮南節度使鍾傳以養子延規為江州剌 楊渥以昇州刺史秦裘為西南行管都招討 秋七月秦裴至洪州軍

守城不可猝拔吾故以要害誘致之耳未然装破寒執

通照犯事本木

Land As also in

楚據之諸将以咎裴裴曰匡時聽將獨楚一人耳若即東

章將兵屯上高師周與湖南戰屬有功渥是之師周懼 度判官問隐曰君賣人國家何面復相見遂殺之由是 諸道行管都統弘農王楊渥既得江西縣仍益甚謂即 將佐皆不自安里雲都指揮使日師周與副指揮使恭 後深太祖開平元年春正月淮南節度使兼侍中東面 装為洪州制置使 州虜鍾匡時等五千人以歸楊渥自兼鎮南節度使以 一楚遂圍洪州饒州刺史唐寶請降

九月秦裴拔洪

燭以擊毬一燭費錢數萬或單騎出遊從者幹走道路 潛謀作亂渥父行密之世有親軍數千管於牙城之內 我不才何不殺我自為之二人懼渥選肚士號東院馬 軍廣署親信為將吏所署者恃勢驕橫陵蔑勲舊顏温 不知所之左右牙指揮使張顥徐温泣諫渥怒曰汝謂 逸去師周揚州人也渥居喪晝夜酣飲作樂然十圍之 白圖之吾舌可斷不敢泄師周遂幹湖南章縱其努使

灾足习事 全書 配

通照紀事本末

謀於恭章曰馬公寬厚吾欲逃死馬可乎章曰兹事君

直入庭中涯回爾果欲殺我那對曰非敢然也欲誅王 思勍等飲酒祐數思勍等罪執而斬之渥聞三將死益 宣州也命指揮使朱思勍范思從陳璠將親兵三千及 嗣位名歸廣陵顏温使三將從秦裴擊江西因成洪州 渥遷出於外以其地為射場類温由是無所憚渥之鎮 微服懷短兵徑入秦業帳中裝大驚祐告之故乃名 一顏温欲珠之丙戌渥晨視事顏温師牙兵二百露內 以謀叛命别將陳祐往誅之祐間道兼行六日至洪 老三十八下

等就王於寢室許云暴竟己印罰集将吏於府庭水 專制軍政弘農威王心不能平欲去之而未能二人不 左右亂政者耳因數渥所親信十餘人之罪曳下以鐵 自安共謀战王分其地以臣於梁戊寅罰遣其黨紀祥 之於是軍政悉歸二人渥不能制 **檛擊殺之謂之兵諫諸將不與之同者顯温稍以法誅** 及庭中堂上皆列白刃今諸將悉去衛從然後入顏属 二年夏五月淮南左牙指揮使張颢右牙指揮使徐温

通腦犯事本未

之不可然今日則恐太速顏曰何謂速也可求日劉威 聲問曰嗣王已薨軍府誰當主之三問莫應題氣色益 **陶稚李遇李簡皆先王之等夷公今自立此曹肯為公** 怒幕僚嚴可求前密啟日軍府至大四境多處非公主 求因屏左右急書一紙置袖中麾同列音使完質兒 測其所為既至可求跪讀之乃太夫人史氏教也大要 下乎不若立幼主輔之諸將孰敢不從顏默然久之可

を三十几下

|言先王創業艱難嗣王不幸早世隆演次當立諸将

事之張顏以係温為浙西觀察使鎮潤州嚴可求說温 横戈曜馬街犯大敵木會畏惧今日對顏不覺流汗公 然則奈何可求日題剛愎而暗於事公能見聽請為公 日公捨牙兵而出外藩顥必以弑君之罪歸公温驚日 都統既罷副都統朱瑾詣可求所居曰瑾年十六七即 面折之如無人乃知瑾匹夫之勇不及公遠矣因以兄 不敢奪遂奉威王弟隆演稱淮南留後東面諸道行營 無負楊氏善輔導之辭吉明切颢氣色皆沮以其義 到出口事人

意也業已行矣奈何可求曰止之易耳明日可求邀 飲定四庫全書 况公楊氏宿將今幼嗣初立多事之時乃求自安於外 題山威如此今出徐於外意不徒然恐亦非公之利豕 圖之時副使李承嗣参預軍府之政可求又說承嗣曰 可乎温謝曰苟諸公見容温何敢自專由是不行顏知 奪其兵權而殺之多言亦可畏也颢曰右牙欲之非吾 嗣深然之可求往見顏曰公出徐公於外人皆言公欲 及承嗣俱詣温可求瞋目責温曰古人不忘一飯之思

盗執刀臨之可求操筆無懼色盜能辨字見其解音忠 近温始暴顏弑君之罪繫紀祥等於市計西宫白太夫 温快親將彭城程度告之泰章聞之喜密結壯士三十 肚口公長者吾不忍殺掠其財以復命曰捕之不獲罰 曰非鍾泰章不可泰章者合肥人時為佐監門衛將軍 怒曰吾欲得可求首何用財為温與可求謀誅罰可求 人夜剌血相飲為誓丁亥旦直入斬罰於牙堂并其翹

更監犯事本未

可求陰附温夜遣盜剌之可求知不免請為書解府ま

若獨用吾兵題不可温曰然則獨用公兵類從之至是 窮治逆黨皆左牙兵也由是人以温為實不知該也隆 安初類與温謀弑威王温日參用左右牙兵必不一 歸廬州公之惠也温曰張顥弑逆不可不誅夫人宜自 飲定四庫全書 · 截訟之解而决之皆中情理先是張 周事刑戮酷 求為楊州司馬温性沈毅自奉簡儉雖不知書使人 演以温為左右牙都指揮使軍府事成取决馬以嚴 人太夫人恐懼大泣曰吾兒冲幼禍難如此顧保百口

當力行善政使人解衣而寢耳乃立法度禁強暴政率 怨望請誅之温曰是吾過也推為滁州刺史 是歲弘 言後踰年因醉與諸將爭言而及之或告係温以泰章 將吏請於李儼承制授楊隆海淮南即度使東面諸道 大綱軍民安之温以軍旅委可求以財賦委支計官監 行營都統同平章事弘農王鍾泰章當薄泰童未當自 知祥皆稱其職淮南謂之嚴駱 縱親兵剽存市里温謂嚴可求曰大事已定吾與公董 ~~ 通照犯事本未 秋七月壬申淮南

乾化二年春三月吳鎮南節度使到威欽州觀察使国 雅宣州觀察使李遇常州刺史李簡皆武忠王舊将 兼中書令嗣吳王 農王遣軍將萬全感齊書間道指晉及收告以嗣位 四年春二月萬全感自歧歸廣陵歧王承制加弘農王 知語為昇州防遏兼樓船副使往治之 行軍副使領昇州刺史留廣陵以其假子元從指揮使 三年春二月徐温以金陵形勝戰艦所聚乃自以淮南 新定四庫全書 | た三十九下

侍中謂威王也温怒以淮南節度副使王檀為宣州制 歙兵納檀於宣州昇州副使徐知語為之副遇不受代 置使數遇不入朝之罪遣都指揮使柴再用帥昇潤池 吳越道過宣州温使玠說遇入見新王遇初許之玠曰 温何人吾未常識面一旦乃當國那館驛使徐玠使於 再用攻宣州踰月不克 公不爾人謂公反遇怒曰君言遇反殺侍中者非反邪 **頁五月李遇少子為淮南**

灾 足 日 阜 春 馬 ·

通鑑紀事本末

大功以徐温自牙將秉政內不能平李遇尤甚常言徐

務不恤民事知點在异州獨選用廉吏修明政教招延 董事我能如知語乎時諸州長吏多武夫專以軍旅為 求生遇由是不忍戰温使典客何義入城以吳王命說 牙將遇最愛之徐温執之至宣州城下示之其子啼號 於勞辱或通夕不解带温以是特愛之每謂諸子曰汝 敢達其命徐知語以功遇好州刺史知語事温甚謹安 門請降温使柴再用斬之夷其族於是諸將始畏温莫 之口公本志果反請斬蓋以徇不然隨蕘納款遇乃開

幕客黃訥說威曰公受誇雖深反本無狀若輕舟入朝 劉威威由是為師府所忌或潛之於徐温温將討之威 彭城人宗連水人也 吴武忠王之疾病也周隐請台 則嫌疑皆亡矣威從之陷雅聞李遇敗亦懼與威恰請 之術謁知語知語奇之碎為推官與判官王令謀參軍 廣陵温待之甚恭如事武忠王之禮侵如官爵雅等悅 王翃專主謀議以牙吏馬仁裕周宗曹悰為腹心仁裕

通照犯事本未

四方士大夫傾家貨無所受洪州進士宋齊丘好縱橫

使同平章事准南行軍司馬如故温遣威雅還鎮 服由是人皆重温韵蘇州人也温與威雅即將吏請於 李儼承制加嗣吳王隆演太師吳王以温領鎮海即度 王貞明元年頁四月吳徐温以其子牙內都指揮使 四月全書

都指揮使两浙都招討使守侍中齊國公鎮潤州以昇 月庚戌吳以鎮海節度使徐温為管內水陸馬步諸軍 知訓為淮南行軍副使內外馬步諸軍副使

潤常宣歙池六州為巡屬軍國底務多决如故留徐

使者日會當殺德誠并其妻取之知訓狎侮吳王無復 君臣之禮當與王為優自為參軍使王為蒼龍總角 故數十知訓求之德誠遣使謝 日家之所有皆長年或 有子不足以侍貴人當更為公求少而美者知訓怒 四年夏六月吳內外馬步都軍使昌化節度使同平童 衣執帽以從又當於丹濁河王先起知訓以彈彈之又 事徐知訓縣仍淫暴威武節度使知撫州李德誠有家

R AND ment do during the

通鑑紀事本未

曹貴花於禪智寺知訓使酒悖慢王懼而 過座股栗 左右扶王登舟知訓来輕舟逐之不及以鐵檛殺王親 吏將佐無敢言者父温皆不之知知訓及弟知詢皆不

語飲伏甲欲殺之知諫蹋知語足知語陽起如則過去 禮於徐知語獨李弟知陳以兄禮事之知訓當召兄弟 知語不至知訓怒曰乞子不欲酒欲敛乎入曾與知

|逢舉劔示知誥而還以不及告平盧即度使同平章事 訓以剱授左右刀彦能使追殺之彦能馳騎及於中

瑾以笏自後擊之踣地呼壯士出斬之瑾先繫二悍馬 於無下將圖知訓密令人解縱之馬相蹄齧聲甚厲以 因延之中堂伏肚士於户内出妻陶氏拜之知訓答拜 置酒自捧觴出罷妓使歌以所受馬為壽知訓太喜瑾 受馬冬貯於怪夏貯於情罷故有絕色知訓過別瑾瑾 瑾為靜准節度使瑾益恨之然外事知訓愈謹瑾有所 之瑾已不平知訓惡瑾位加巳上置靜淮軍於泗州出

ALI DI MELLO LINE

通鑑紀事本末

諸道副都統朱瑾遣家故通候問於知訓知訓禮欲私

是外人莫之間瑾提知訓首出知訓從者數百人皆散 温諸子皆弱温乃以知誥代知訓執吳政沈朱瑾尸 用宋齊兵東即日引兵濟江瑾已死因撫定軍府時徐 為萬人除害以一身任患逐自到徐知語在潤州聞難 闔府門勒兵討之乃自後踰城墜而折足顧追者曰吾 與成大事以知訓首擊柱提級將出子城使程度等已 衣郭面走入内日舅自為之我不敢知瑾日婢子不足 運動入府以首示吳王曰僕已為大王除害王懼以 正月白 11 龙三十九下

塘而葬之責知訓將佐不能匡救皆抵罪獨刀彦能屢 該斬之并其諸子 知訓過惡所以致禍之由温怒稍解乃命網瑾骨於雷 將皆預朱瑾之謀欲大行誅戮徐知語嚴可求且陳 詐稱袁州大破楚兵將吏皆入賀伏壯士於戟門擒志 秋七月吳徐温入朝於廣陵疑諸

欽定四車全書

通鑑紀事本末

雷塘而減其族瑾之殺知訓也泰寧節度使米志誠於

居海陵温疑其與瑾通謀皆殺之嚴可求恐之誠不受

十餘騎問瑾所向聞其已死乃歸宣諭使李儼貧国寓

·央於知語知語悉反知訓所為事吳王盡恭接士大夫 權潤州團練事温還鎮金陵總吳朝大網自餘庶政皆 宋齊丘為謀主先是吳有丁口錢人計畝輸錢錢重物 外馬步都軍副使通判府事兼江州團練使以徐知諫 杜請托於是士民愈然歸心雖宿將悍夫無不悅服以 年以前逋稅餘俟豐年乃輸之求賢才納規諫除奸猾 以謙御衆以寬約身以儉以吳王之命悉蠲天祐十三 有諫書温賞之戊戌以知語為淮南即度行軍副使內

億萬計齊丘日安有民富而國家貧者和知語從之由 斬錢是教民棄本逐末也請獨丁口錢自餘稅悉輸對 於水亭屏語常至夜分或居萬堂悉去屏障獨置大爐 是江淮問曠土盡關桑柘滿野國以富殭知誥欲進用 帛納絹匹直千銭者當稅三十或曰如此縣官歲失錢 輕民甚苦之齊丘說知語以為錢非耕桑所得今使民 相向坐不時以鐵筋畫灰為字隨以匙減去之故其所 齊丘而徐温惡之以為殿直軍判官知語每夜引齊丘

東足日華 全書 ·

通照紀事本末

為楚州刺史可求既受命至金陵見温說之曰吾奉唐 次子知詢代徐知語知吳政知語與路知祥謀出可求 謀人莫得而知也 以繫民望温大悅復留可求參總庶政使草具禮儀知 王曰今大王與諸將皆為節度使雖有都統之名不足 正朔常以與復為辭今朱李方爭朱氏日衰李氏日獻 旦李氏有天下吾能此面為之臣乎不若先建吳國 臨制請建吳國稱帝而治王不許嚴可求屢勸温以 初吳徐温自以權重而位卑說吳

誥知可求不可去乃以女妻其子續 寧國節度使守太尉兼中書令東海郡王以徐知語為 稷置百官官殿文物皆用天子禮以金繼土歲用丑改 **处以徐温為大丞相都督中外諸軍事諸道都統鎮海** 諡武忠王曰孝武王廟號太祖威王曰景王尊母為太 五年吳徐温即將吏藩鎮請吳王稱帝吳王不許 夏四月戊戌朔即吳國王位大赦改元武義建宗廟社

钦定四事全書 题

左僕射參政事兼知內外諸軍事仍領江州團練使以 通照犯事本木

常數曰我國家而為他人所有可乎孫温聞而惡之 擇體泉人忍敬之之孫也 揚府左司馬王令謀為內樞使管田副使嚴可求為門 擇為吏部尚書兼太常卿掌書記殷文圭為翰林學士 鄱陽郡公子繼明為廬陵郡公 館驛巡官将恭為知制到獨部員外即楊忍為給事中 弟濛為廬江郡公溥為丹陽郡公潯為新安郡公澈為 下侍郎鹽鐵判官駱知祥為中書侍即前中書各人盧 秋七月丙戊吳王立其 吳廬江公濛有材氣

為嗣者或希温意言曰蜀先主謂武侯嗣子不才君宜 所樂多沈飲鮮食遂成寢疾五月温自金陵入朝議當 六年夏四月吳宣王重厚恭格徐温父子專政王未曾 有不平之意形於言色温以是安之及建國稱制尤非 冬十月出濛為楚州團練使

飲定四庫全書 今日邪使楊氏無男有女亦當立之敢妄言者斬乃以 王命迎丹陽公溥監國徒溥兄豫為舒州團練使已五

自取温正色白吾果有意取之當在誅張颢之初豈至

宣王殂六月戊申溥即吳王位尊母王氏曰太妃 而不事天子吾聞事天貴誠多費何為唐每郊祀啟南 以知語領節度使徐温聞壽州團練使崔太初苛察 甲子吳王祀南郊配以太祖 龍德元年冬十月吳徐温勸吳王祀南郊或日禮樂未 角且唐祀南郊其費巨萬今未能辨也温曰安有王者 灌其樞用脂百斛此乃季世奢泰之與又安足法乎 知語同平章事領江州觀察使尋以江州為奉化軍 秋七月乙丑大赦

熟美因謂温曰公之忠誠我所知也然程度無禮官中 若使其入朝因留之温怒曰一崔太初不能制如它人 民心欲徵之徐知語曰壽州邊隅大鎮徵之恐為變不 是王對温名雨為水温請其故王曰翟虔父名吾諱之 為問門官城武備等使使察王起居度防制王甚急至 白沙日迎鑾鎮徐温自金陵來朝先是温以親吏翟虔 後唐莊宗同光二年冬十月吳王如白沙觀樓船更命 何徴為右雄武大將軍

一次至日事公告 [

通鑑犯事本未

過遠徙可也乃徙撫州 及宗室所須多不獲温頓首謝罪請斬之王日斬則太

道彦謙臨終密留書遺徐温請以所生子為嗣 疾徐知語恐其遺言及繼嗣事遺之醫樂金帛相屬於 三年夏六月吳鎮海節度判官楚州围練使陳彦謙有

明宗天成元年春三月吳以左僕射同平章事徐知誥

為侍中右僕射嚴可求兼門下侍郎同平章事

二年冬十月辛丑吳大丞相都督中外諸軍事諸道都

貴而棄之可求等言之不已温欲師諸藩鎮入朝勸吳 謹不忍也陳夫人曰知語自我家貧贱時養之奈何當 政知語草表欲求洪州節度使俟旦上之是夕温凶問 王稱帝将行有疾乃遣知韵奉表勸進因留代知語執 及行軍副使徐玠屢勸温以知詢代知誥温以知誥孝 徐氏子數請代之執吳政温曰汝曹皆不如也嚴可求 行軍司馬忠義節度使同平章事知詢以其兄知語非

通緣犯事本末

統鎮海寧國節度使兼中書令東海王徐温卒初温子

三年春正月吳王立子璉為江都王璘為江夏王珍為 立兄廬江公濛為常山王弟都陽公澈為平原王兄子 至乃止知詢亟歸金陵吳王贈温齊王諡曰忠武 南昌公珙為建安王 兼侍中加徐知語都督中外諸軍事 日皇太后以徐知詢為諸道副都統鎮海寧國即度使 王日景皇帝宣王曰宣皇帝,丙子吳主尊太妃王氏 一月庚戌吳王即皇帝位追尊孝武王曰武皇帝景 十二月吳主

軍柴再用為武昌節度使知詢怒日劉崇俊光之親三 副都統鎮海寧國節度使兼侍中徐知詢自以握兵據 世為濠州彦忠吾妻族獨不得邪 都矣丑卒於采石徐知詢簡壻也擅留簡親兵二千 於金陵表薦簡子彦忠代父鎮鄂州徐知語以龍武統 四年秋八月吳武昌節度使兼侍中李簡以疾求還江 吳徙常山王 濛為臨川王 冬十月吳諸道

文 E 日 車 在 Man

通鑑紀事本末

宜春王宣帝子廬陵公玢為南陽王

到四月戊

珣不以為嫌乗用之知珣典容周廷望說知詢日公誠 知詢從之使廷望如江都諭意廷望與知語親吏周宗 能捐實貨以結朝中熟舊使皆歸心於公則彼谁與處 知語吳越王鏐遺知詢金玉鞍勒點並皆飾以龍鳳知 敢不從知詢年少恩信未治於人無能為也知詢待諸 內樞密使王令謀曰公輔政日久挾天子以令境內誰 上流意輕徐知語數與知語爭權內相猜尼知語思之 為諸弟皆怨之徐玠知知詢不可輔及持其短以附

物亦可乎知詢又以廷望所言話知誥知誥曰以爾 **專吳政知詢責知語曰先王違世兄為人子初不臨專** 可乎知語曰爾挺級待我我何敢往爾為人臣畜乗 曰人言侍中有不臣七事宜丞入謝廷望還以告知詢十 請金陵除父温喪知語稱吳主之命不許周宗謂廷望 善密輸款於知語亦以知語陰謀告知詢知詢召知語 右雄武都指揮使柯厚徵金陵兵還江都知語自是公 月知詢入朝知語留知詢為統軍領鎮海節度使

文 E O E O E

通照犯事本木

藥解之已脂潰而卒 該語語掠二酒合飲之懷金鐘趨出知語密遣人以良 献知語曰願與兄各享五百歲知語察色左右顧不肯 酌酒肠之曰願弟壽千歲知詢疑有毒引它器均之跪 為告我者亦建望也逐斬建望去很吳主加尊號日唇 知語兼中書今領寧國即度使知語召知詢飲以全鐘 聖文明光孝皇帝大赦改元太和 知詢捧酒不退左右莫知所為伶人申漸高徑前為 十二月吳加徐

卷三十九下

父因入九華山止於應天寺啟求隱居吳主下詔徵之 為相齊丘自以資望素淺欲以退讓為髙謁歸洪州葬 子大將軍景通為兵部尚書參政事知語將出鎮金陵 月丙辰吳左僕射同平章事嚴可求卒徐知語以其長 **於定四事全書** 知誥亦以書格之皆不至知誥遣其子景通自入山敦 二年春二月吳徐知語欲以中書侍郎内樞使宋齊丘 通緣犯事本未

長興元年春三月吳王立江都王璉為太子

其丧於塗撫棺泣日弟用心如此我亦無憾然何面見 道副都統鎮海節度使守中書令徐知詢代之賜爵東 先王於地下乎 十一月吳中書令徐知語表稱 海郡王徐知誥之召知詢入朝也知諫豫其謀知詢遇 歲久請歸老金陵乃以 知語為鎮海寧國節度使鎮金 諭齊丘始還朝除右僕射致任更命應天寺日徵賢寺 陵餘官如故總録朝政如徐温故事以其子兵部尚書 秋九月吳鎮南即度使同平章事係知諫卒以諸

兼内樞使以佐景通 恕語廣金陵城周圍二十里 都統徐知語為大丞相太師加領德勝節度使知語 三年春二月吳徐知語作禮賢院於府舍聚圖書延士 江都輔政以內樞使同平章事王令誤為左僕射兼門 下侍郎以宋齊丘為右僕射兼中書侍郎並同平章事 入夫與孫晟及海陵陳覺談議時事 **然政事景通然司徒同平章事知中外左右諸軍事留** 十二月癸亥徐知語至金陵 タナ 一月吳以諸道 秋八月吳公

た M D 車 A M D

通過犯事本末

四十五

都押牙周宗言於徐知誥曰主上西遷公復須東行不 |潞王清泰元年春正月吳徐知浩別治私第於金陵し 四年夏五月吳宋齊丘勸徐知語徙吳主都金陵知語 未逐居私第虚府舍以待吳主 吴人多不欲逐都者 乃管宮城於金陵 四月百月 志三十九下

惟勞費甚大且違衆心二月丙子吳主遣宋齊丘如金

阪諭知語罷遷都先是知語久有傳禪之志以吳王無

屢陳知語功業宜早從民望台宗復為都押牙知語由 為池州副使久之即度副使李建勲行軍司馬徐孙等 意請如江都微以傳禪與吳主且告齊丘齊丘以宗先 語臨鏡鑷白髭數曰國家安而吾老矣奈何周宗知其 已心疾之遣使馳請金陵手書切諫以為天時人事未 入德恐衆心不悅欲待嗣君宋齊丘亦以為然一旦知 、知語愕然後數日齊丘至請斬宗以謝吳主乃點宗

是疎齊丘

吳主語徐知誥還府舍甲申金陵大火乙

通經紀事本末

17.17

節度使兼中書令臨川王濛遣人告濛藏匿亡命擅 侍即同平章事宋齊丘還金陵以為諸道都統判官加 兵二百衛之 司空於事皆無所關預齊丘優請退居知語以南國給 兵器两子降封歷陽公幽于和州命控鶴軍使王宏將 康王徐知詢卒 西又火知語疑有愛勒兵自衛已丑復入府舍 秋七月吳徐知語召右僕射兼中書 夏六月 吳徐知語將受禪心的武

冬十月吳主加徐知誥大丞相尚父嗣齊王九

定匹庫在這一

政 判中外諸軍事以次子牙內馬步都指揮使海州團 語令尚書即陳覺輔之謂覺日吾少時與宋子萬論議 練使景遷為左右軍都軍使左僕射参政事留江都輔 景通還金陵為鎮海寧國節度副大使諸道副都統 錫辭不受 好相話難或吾捨子為還家或子萬拂衣而起子嵩攜 二年春三月吳加徐景遷同平章事知左右軍事徐知 次定日車全書 十一月徐知誥召其子司徒同平章事 通鑑犯事本末

廢務作列肆於牙城西躬自貿易徐知器聞之怒召知 矣猶未偏達時事况景遷年小當國故母子以誨之 衣笥望泰淮門欲去者數矣吾曹戒門者止之吾今老 **誇治有能名訓兵養民於公何利知語感悟待之加厚** 誇左右結員知諤懼或謂知語日忠武王最愛知誇而 以後事傳於公往年知詢失守論議至今未息借使知 冬十月吳加中書令徐知誥尚父太師大丞相大 秋七月吳潤川團練使徐知諤狎昵小人游燕

知語以其子副都統景通為太尉副元即都統判官宋 後晉高祖天福元年春正月吳徐知誥始建大元帥府 一吳主部齊王徐知語置百官以金陵府為西都 行軍司馬徐玠為元帥府左右司馬 師進封齊王備殊禮以昇潤宣池欽常江饒信海 **海遣使奉牋於徐知語勸即帝位** ~職分判吏户禮兵刑工部及鹽鐵 國知語辭尚父丞相殊禮不受 夏四月 三月吳 月

到 とりたた

2

戴本曰我受先王大思自徐温父子用事恨不能救 德勝節度使兼中書令周本位望隆重欲使之即衆推 金陵勸進宋齊丘謂德誠之子建勲曰尊公太祖元 欽 今日掃地矣於是吳宮多妖吳主曰吳祚其終乎左右 即諸将詣江都表吳主陳知誥功德請行冊命又詣 之危又使我為此可乎其子弘祚疆之不得已與德 定四庫全書 一月徐知語以鎮南節度使太尉兼中書令李德誠

尊考忠武王温曰太祖武王妣明德太妃李氏曰王太 王璪如西都冊命齊王王受冊赦境內冊王妃曰王后 制置騎兵八軍步兵九軍 左右司馬宋齊丘徐玠為左右丞相馬步判官周宗內 樞判官點人周廷玉為內樞使自餘百官皆如吳朝之 太廟社稷改金陵為江寧府牙城曰宮城廳堂曰殿以 二年春正月吳太子璉納齊王知語女為妃知誥始建 三月吳徐知語立子景通為王太子固解不受追 二月戊子吳主使宜陽

之其子弘祚固諫本怒曰我家郎君來何為不使我見 衛軍使王宏宏子勒兵攻濛濛射殺之以德勝節度使 周本吳之熟舊引二騎話廬州欲依之本間蒙至將見 后壬申更名語 弘祚合扉不聽本出使人執濛于外送江都徐誥遣使 秋七月吳同平章事王令謀如金陵勸徐誥受禪 八月吳歷陽公濛知吳將亡甲午殺守 夏六月吳諸道副都統徐景遷年

稱語殺濛於采石追廢為恃逆庶人絕屬籍侍衛軍使

尊太祖武王曰武皇帝し酉遣右丞相玠奉冊詣吳主 申齊王語即皇帝位于金陵大赦改元昇元國號唐追 等復請金陵師百官勸進宋齊丘不署表九月癸丑令 門下侍郎同平章事內樞使忠武即度使王令謀老病 疾亞力勸係誥受禪是月吳主下詔禪位于齊李德誠 無齒或勸之致仕令謀曰齊王大事未畢吾何敢自安 郭宗殺濛妻子於和州語歸罪於惊敗池州 丙寅吳主命江夏王璘奉璽殺于齊冬十月甲 通經紀事本末

宫殿名皆取於仙經讓皇常服羽衣習辟穀術卒卯吳 舊交必不相負齊丘頓首謝已丑唐主表讓皇政東都 出齊丘止德誠勸進書唐主執書不視曰子萬三十年 於天泉閣李德誠日陛下應天順人惟宋齊丘不樂因 子建領平盧節度使兼中書合封弘農公唐主宴奉臣 |從吳制丁亥立徐知證為江王徐知諤為饒王以吳太 古讓皇官室来與服御皆如故宗廟正朔微章服色悉 稱受禪老臣語謹拜稽首上皇帝尊號曰高尚思玄弘 定匹庫全書!

請罪唐主手詔謝之亦不改命久之齊丘不知所出乃 申以吳同平章事張延翰及門下侍郎張居詠中書侍 更上書請選讓皇於它州及斥遠吳太子璉絕其昏唐 布衣時陛下為刺史今日為天子可不用老臣矣還家 相不預政事心愠懟聞制詞云布衣之交抗聲日臣為 主表謝而不改丁酉加宋齊丘大司徒齊丘雖為左丞 郎李建敷並同平章事讓皇以唐主上表致書解之唐

通經紀事本末

宗室建安王珙等十二人皆降爵為公而加官增邑丙

主不從て已立王后宋氏為皇后戊申以諸道都統判 侍中東都留守江都尹師留司百官赴東都 午唐主立其子景遂為吉王景達為壽陽公以景遂為 賜楊璉妃號永與公主妃聞人呼公主則流涕而解戊 書令吳王 元即府事景通為諸道副元即判六軍諸衛事太尉尚 十一月乙卯唐吳王景通更名璟唐主

本以不能存吳愧恨而卒 丙寅唐以侍中吉王景遂

三年春正月唐德勝節度使兼中書令西平恭烈王周

主以左宣威副統軍王與為鎮海留後客省使公孫主 **屢請徙居李德誠等亦亟以為言五月戊午唐主改潤** 參判尚書都省 待罪或曰齊丘舊臣不宜以小過棄之唐主曰齊丘有 宋齊丘復自陳為左右所間唐主大怒齊丘歸第白衣 州牙城為丹楊宫以李建敷為迎奉讓皇使 壬戌唐 為監軍使親吏馬思讓為丹楊宫使徒讓皇居丹楊宫 應不豫政事唐主答以省署未備 吳讓皇固解舊官 夏四月甲申唐宋齊丘自陳丞相不

通監犯事本木

毒酒方於唐主唐主曰犯吾法者自有常刑安用此為 請更姓羊徐玠曰陛下自應天順人事非逆取而諂邪 屋臣爭請改府寺州縣名有吳及楊者留守判官楊嗣 才不識大體乃命吳王璟持手站召之六月壬午或獻 四年春正月唐屋臣江王知證等界表請唐主復姓李 之人專事改更咸非急務不可從也唐主然之 月辛母吳讓皇卒唐主廢朝二十七日追益日常 是歲唐主徒吳王璟為齊王

齊王璟詳決惟軍旅以聞庚寅唐主更名异詔百官議 長公主假東經入哭盡哀如父母之喪卒已詔國事委 哀與皇后斬衰居廬如初喪禮朝夕臨凡五十四日江 號虚美且非古遂不受其後子孫皆踵其法不受尊號 立唐宗廟乙母唐主許之羣臣入請上尊號唐主曰尊 王知證饒王知諤請亦服斬衰不許李建勲之妻廣德 月乙亥改太祖廟號曰義祖已卯唐主為李氏考如發 又不以外戚輔政宦者不得預事皆它國所不及也二

大包日華台書

通經紀事本末

主命居高祖於西室太宗次之義祖人次之皆為不祧 祖吳王云自峴五世至父崇其名率皆有司所撰唐丰 有司考二王苗裔以吳王孫禕有功禕子峴為韋相遂 主欲祖吳王恪或曰恪誅死不若祖鄭王元懿唐主命 祖有功於具朕安能啟此中與之業屋臣乃不敢言唐 之主奉臣言義祖諸侯不宜與高祖太宗同事請於太 廟正殿後別建廟祀之帝曰吾自幼託身義祖向非義 二祚合真禮卒卯宋齊丘等議以義祖居七室之東唐 號及諡 主追尊吳王恪為定宗孝靜皇帝自曾祖以下皆追廟 世陛下生於文德已五十年矣遂從之 三月庚戊唐 夏四月卒已唐主祀南郊癸未大於

たこ


þ

P. 10

通銀紀事本末

五十四

又以歷年九帝 三百年疑十世太少有司曰三十年為





腾録監生臣王 淦校對官編修臣莫瞻蒙